

ader wy dy namen hebben mogen, nichtez vzgenomen noch mir ader mynen erb-
nemen keyns do behalden, alz myn lieber vater Peczolt von Melyn seliger gedech-
nisse vnd ich bes her von dem goteshuze vnd capitel zcu Mißne zcu rechten leene
gehat vnd besessen haben, den erbern heren dem tumprobste, dem techand vnd dem
capitel gemeyne des goteshuzez zcu Mißen recht vnd redelich vorkouft habe vmb
syben vnd drysig schok vnd fünf vnd fünfzig grosschen Friberscher muncze, der
sy mich vnd mynen egenanten ohmen Hanse Roten nuczlichen gancz vnd wol bezcalet
haben vnd ich das selbe gelt in mynen rechten nütz vnd notdorft kuntlich gewant
habe, vnd darumb hab ich dy egenanten gut den selben heren vnd capitel zcu Mißne
willeclich vfgereicht vnd gegeben, dy lute der selben gut allir huldung vnd glubde
ledig gesayt vnd hab dy mit hand vnd mit munde an dy egenanten heren des capi-
tels zcu Mißen als recht vnd gewonlich ist gewiset, vnd vorzeye vor mich, alle myn
erbnemen vnd nachkomelinge allir vorderunge vnd ansprache, dy wir heymelich ader
offenbar zcu keyner zeit von rechte ader gewonheit ymmer daran hebben mochten,
vnd vorkoufe dy egenanten gut in alle der forme vnd wyse vnd mit sulchen rechten
vnd gewonheiten als obengeschrieben steyt den egenanten heren vnd capitel zcu Mißne
gerucheclich zcu besiczzen vnd ewiglich zcu behaldene ane alles hyndernisse vnd
geferde, vnd hab das zcu warem orkunde vnd mere sicherheit myn ingesigel gehalten
an dysen brief. Vnd ich Hannus Rote gesessen zcu Gelnicz bekenne offentlich an
dysen selben brife, das ich by dem egenanten koufe vnd bezcalunge byn gewest,
vnd mit mynem rate vnd wissen geschen sy, des hab ich zcu orkunde myn ingesigel
by myns egenanten ohmen Hannus von Melyn ingesigel an dysen brief gehalten,
der gegeben ist nach Cristi gebörte driczenhundirt iar in dem acht vnd sechzci-
gestem iare an dem nehesten suntage nach sente Symonis vnd Judae der heiligen
zewelfboten tage. Do by sint gewest vnd syn ouch gezug dy gestrengin vnd erbern
lute Hannus von Stuchow, Hannus von Tubenheim, Nickil syn son, Heynich von
Krymmen gesessen zcu Nuenwalde^{e)}, Hannus vnd Hannus gebrudere genant von
Steynbach gesessen zcu Begenow^{d)}, Hannus von Quisdo vnd Hans Kempnicz burger
zcu Mißne vnd ander byderber lute genug vnd vil.

Nach dem Orig. im Stiftsarchiv zu Meissen mit den Siegeln des Hannus von Melyn und Hannus Rota an Pergamentstreifen.

e) Nauwalda, Par. Niska. d) Pegenau, Par. Naustadt.

No. 585. 1368. 29. Oct.

Probst und Capitel treffen über die Verwendung der in vorstehender Urkunde genannten Zinsen zu Almosen und zu einem Jahresgedächtniss Bestimmung.

In nomine domini amen. Cum omnia sub sole consistentia etc. Nos igitur Heinricus dei gratia praepositus, Nicolaus decanus totumque capitulum ecclesiae Misnensis tenore praesentium recognoscimus — quod ad instantiam et supplicationem honorabilium virorum dominorum Palberti de Mulhusen cantoris, Johannis de Droy-